

碧霄上明耀無方

丹陽繼韻

遇風仙心開悟騁顛狂黜妻屏子便迎祥逍遙坦蕩恣情吟詠
謾成章就中行化覓知友同共聞香烹丹鼎下丹結中丹熱大
丹涼不須鍊白更燒黃自然玉性萬般霞綵射人光上丹霄去
住蓬萊永永圓方

踏雲行

激發丹陽

東海汪洋西山詳審金鈎釣得歡無恁一頭活樂大鯨魚萬鱗
燦爛鋪白錦隨我遨遊水雲信任青山綠水相過甚張公喫酒
李公來李公奪了張公飲

道藏輯要

重陽教化集

三

胃集二

丹陽次韻

懇告玄言師前重審傳來祕訣元來恁方知我是一鼈魚素鱗
晃日如鋪錦坦蕩無拘道遙恣任利名識破千求甚專歸物外
下功夫清心淨意刀圭飲

四果頌

果來海角天涯果應師旨夷希果得前生知友果然合我心機

丹陽繼韻

因遇決離海涯因悟怨是用希因得風仙至理因曉天發殺機

贈丹陽

爲人須悟塵勞汨清淨心中真寶物奪得驪龍口內珠便教走